



Radio Rumantsch

Per trutgs e pitgognas

Proposta d'Andri Poo

Tura da gianellas Guarda – Alp Sura

Cun l'auto u cun meds da transport publics enfin a Guarda. Traversar il vitg e curt avant la fin dal vitg, suandar la senda vers Val Tuoi. In curt toc chamin'ins sin la via da Tuoi ed alura vers nord si d'ina senda per vegnir si tar il guaud (punct 1802). Da la cruschada prend'ins la senda bunamain planiva vers vest per vegnir tar il "Lajet". Quai è ina chaldera da bellezza, zuppada en il guaud da Laret. Dal "Lajet" cuntinuescha la tura vers Alp Sura. I dat pliras pussaivladads, pli u main stentusas per vegnir tras il guaud sin l'alp. Il pli bel ed il pli simpel èsi d'ir suenter a la via veglia che passa sisum il fastatg da "Perlas" (punct 1969) e vegn en sin la via d'alp gist avant l'ultima storta (punct 2046). Da là davent arriv'ins bainbaud or dal guaud ed alura tar l'Alp Sura (punct 2118). La vista si e giu per l'Engiadina è la paja per il sforz da la muntada.

Il return po vegnir fatg sin la medema maniera u sch'ins turna fin tar il fastatg da "Perlas" (punct 1969) ed a lung da quel enfin giu sin la via da Tuoi e turnar sur Prasüras e Clüs puspè a Guarda.

| | |
|---------------|---|
| Durada: | ca. 4 - 5 uras |
| Muntada: | ca. 500 meters |
| Lunghezza: | 7 km |
| Difficultads: | per part muntadas magari stippas (cundiziun!) |

Spezialitads da la tura:

- tura che permetta da turnar en mintga lieu
- il 'Lajet' è in lieu da bellezza
- bella vista sur l'Engiadina Bassa
- naginas ustarias sin il traject

Attenziun:

Igl è da resguardar la situaziun da naiv e lavinas e d'avair equipament da turas da gianellas.